

حقوقی بیکسیر مجموعہ سی

آئندہ بر نشر اول نور

خلاصه بویکی احوالده مجرمك معذور اولوب اولمادیغنی تدقیق ایدره کن غیظ و کین ایلهمی، یوقسه آنی بر تحریک نتیجه سی فوران غضب و فرط تألمله می حرکت ایتدیکنی آراشدیرمق الزمدر .

چونکه کین و غرض حسی و انتقام املی هیچ بر زمان مدار معذرت اولماز .
ياشك كو چوكلكندن متولد معذرتله خصوصی نوعدن معذرتلر و دیگر قانونی و یا تقدیری اسباب مخففه بجمزدن خارج و یکی قانونمرك برنجی کتابنك برنجی باینده وضوح و صراحتله محرر اولدیغندن یالكز چوق اهمیتی عد ایتدیكمز تحریك حقنده شو بر قاچ سوزله اکتفا ایتدك .

تمیز عکمه سی اعضاسندن

نؤار ملوصی

مفوق مخصوصیه دول

لوزان عهدنامه سنه كوره : مختلط حکم محكمه لری

جهانی مثالسز بر هر چه اوغرادان بویوك حربدن صكره اعاده صلحه چالیشیلر كن بو مدید و مخرب حرب یوزندن اسکی مخاصم دولتر و تبعه سی آره سنده سنه لرجه حال معلقیته قالان بر چوق قاریشیق حقوقی معضله لركده حل و تسویه سی لزومی كوزه چارمیشیدی . اوزون و بحرانی حرب سنه لرینك ، اك غیر طبعی و استثنائی تصرفلرك یازده تشویشی اولان بوایشلرك معناد بجرای حلی تعقیب ایتمسه امكان یوق ایدی . حقیقی و شامل بر تصفیه مبرمیت كسب ایتمیشیدی . باخصوص غالب كچین دولتر ، تعمیرات ایشلرینی كندی متحكم تلقیلرینك سوق و اداره سی التده حل و انتاج ایلمکی الزام ایدیورلردی . فی الحقیقه افعال حربیه نك و حرب تداییر استثنائیه سنك تولید ایتدیکی ضررلردن باشقه اجرا ایدلمه مش مقاولات ، تأدیه اولونمه مش دیون ، خصوصی برر صورت تسویه به ربط ایدلك ، ازان جمله بعدالحرب حاصل اولان قورقونج شائز تحولاتنك تسویه دین

[۱] لوزان مذاكراتی اثنا سنده حكومت مترك بو فكره اشتراك ایتدیکی شایان قیددر .
مخصلا مخرج به الخاصه حدود صلاحیتی قصر ایدلش بویه بر عكمه استثنائیه نك عدم لزومی تهزی مدافعه اولنمشدر .

خصوصندہ کی شایردیجی تاثیراتہ مہما ممکن چارہ بولق ضروریاتندی اسکی مخلصمارك قناعتنجه [۱] بوقدر مشوش ومنلق ایشارك نہ طرق سیاسیه ایلہ نہدہ ہر مملکتك ملی محکمہ لری واسطہ سیلہ حلنہ امکان بولنہ مزدی . ایشته . وارد . غیروارد بوتون بوضرورتلر ، بحران حربہ عائد مسائل معلقہ یی یوکسك قدرتلی فرض ایدیلن بین الملل مؤسسات واسطہ سیلہ حل ایتك امنیہ لری مختلط حکم محکمہ لریك احداثہ بادی اولدی .

«وہ رسای» عہدنامہ سنك بوبادہ وضع ایلدیکی ایلک اساسات ، سن ژہ رمہن ، تریانون ، نویی معاہدہ نامہ لرنده همان همان عیناً اقتباس ایلدی . عمومی حربك صوك وثیقہ ختامی اولان لوزان عہدنامہ سی دہ شو بین الملل دہا طوغریسی مافوق المللی Supranational مؤسسہ قضائیہ . و لوکہ تحدیدی بر صورتدہ اولسون ، یکی بر ساحتہ فعالیت آجدی . مملکت مزده هنوز علمی بر تبعہ موضوع تشکیل ایتیم بومؤسسہ قضائیہ نك — بالخاصہ لوزان عہدنامہ سنك وضع ابتدکی نہج و اساساتی تعقیب ایدرك — صورت تعضونی ، اصول محاکمہ سنی ، حدود صلاحیت و وسائل تنفیذنی تدقیق وتلخیص ایتك ایستوروم . بوبادہ بکا سائق جرأت اولان ہر حالہ علمی لیاقتدن زیادہ ، بومحکمہ لردہ عمومی ازان صفتیلہ جمہوریتی تمیل وظیفہ سنی ، مبادی تشکندنبری ایفا ایتکدن متولد ماکہ و عملی وقوفدن عبارتدر ، مع هذا بو ناتمام بقعملہ ، شو ایشلمہ مش ساحدہ مملکتكم قیمتی حقوق منتسبارینہ آز چوق مفید اولہ بیلیرسم نہ موطلو ! ...

*
*

مختلط حکم محکمہ لری بین الملل مناسبادہ بک اسکیدن بری معتاد ومعروف اولان اصول تحکیمدن ، ماہیتی اعتباریلہ ، تماماً باشقہ در . بین الملل تحکیمدہ Arbitrage international ولوکہ ابتداءً منافع خصوصیدن منبعث اولسہ بیلہ ، آنحق ایکی حکومت آردسندہ متکون اختلاف موضوع بخدر . حالوکہ حرب عمومی نی تعقیماً امضالانان معاہدات عاقدلریك درپیش ایتدکلری مؤسسہ قضائیہ بالعکس اشخاص خصوصیه اختلافاتی حل ایچون بخددر . ہر ہانکی عاقد بر حکومت ، بو مؤسسات قضائیہ اوکندہ ، آنحق خصوصی بر شخص حکمی اولہ رق ارائہ موجودیت ایدہ بیلیر . بین الملل تحکیمدہ محکوم اولان وحکمی ہویت اجراہ دعوت ایدیلن طوغریدن طوغری بہ حکومت دیدیکمزہویت سیاسیه در . مختلط حکم محکمہ لرنده ایسہ حکم یا اشخاص خصوصیه ویا حکومتك غیرسیاسی ہویت مدنیہ سنہ معطوفدر . بو محکمہ لردن صادر اولان مقرراتك ، محاکم عادیہ دن صدور

ایتمجه سنه ، تنفیذینه متعلق وجوبده بین الملل تحکیم ایله اولان فرقلرندن برینی تشکیل ایدر .

شوالده ، دییه بیلیرزکه ، صوک صلح معاهده نامه لرینک احداث ایتدیکی شومؤسسات قضائیه بین الملل تحکیم ایله قضای داخلی Jurisdiction Interne ارسنده متوسط وبالکلیه یکی بر عضویت حقوقیه در . مع هذا بو موضوع ، یالکز علمی بر قصد و غایه ایله دکل ، بو کون بر چوق اختلافاتک مرجع حلی اوله رق عملی بر اهمیتی حائز بولنقی اعتباریه ده ، تبعه شایاندر .

بو محکمه لره مترتب خدمت نه قدر مهم و مشکل ایسه امرلرینه مودوع وسائط و کنیدلرینه بخش ایدیلن صلاحیت ده اونسبتده و شمدی به قدر هیچ برحاکمه ویرلمش درجه ده فوق الماده و واسعدر . بنابرین بو محکمه لره ؛ علم و عرفان و استقلال رأیلرینه اعتماداً انتخاب ایدلمش اولان بیطرف حقوق شناسلرک تحت ریاستنده ، بر الساس - لوره نلی حقوقینک دیدیکی کی ، یالکز Bonne Justice ایله اتخاذ قرار ایتک دکل بلکه « محض عدالت La Justice » ده تقریر ایده جکلرینی امید ایتک ایترز .

*
* *

آ . تشکیلات و اصول محاکمه : لوزان عهدنامه سنک ۹۲ نجی ماده سنه کوره معاهده نک موقع مرعیه وضعی تاریخندن اعتباراً اوج آی ظرفنده بر طرفدن دول متفقہ (ژاپونیا خارج) ، دیگر طرفدن تورکیه ارسنده بر مختلط حکم محکمه سی تشکیلی مقرردر . بو محکمه لردن هر بری اوچر حاکدن مرکبدر . حاکمردن ایکسینی آیری آیری علاقہ دار حکومتلر تعیین ایدرلر . ریاست وظیفه سی ایفا ایده جک اولان اوچنجی حاکم ، ایکی علاقہ دار حکومتک ائتلافیه حربیه اشتراک ایتمه مش بیطرف دولتلر تبعه سی میانسندن انتخاب اولنور . بو رئیسک انتخابنده ائتلاف حاصل اوله ماز ایسه حق انتخاب ، لاهی بین الملل دیوان دائمی عدالته عائددر [۱] .

[۱] دیگر معاهده نامه لره کوره ؛ اختلاف وقوعنده بو رئیس جمعیت اقوام طرفندن تعیین ایدلک لازم کلیر . لوزان عهدنامه سنک احداث ایتدیکی مختلط حکم محکمه لری رئیسلردن دایماریه قی موسیو هامرغ ایله اسوچلی موسیو لوبارون نوردنر تسکیولددیوان عدالتجه تعیین ایلش وتورک-فرانسز ونورک-بلجیقا محکمه لرینک رئیس مشترکی نولان هوللانده لی موسیو آسهر یسه علاقه دار حکومتلرجه بالائتلاف انتخاب قلمشدر .

محكمه لرك مركزى استانبولده در [لوزان عهدنامه سى : ماده ۹۳] بنا برين علاقهدار دولت لرك ائتلافيله چنبرلى طاشده اسكى معارف نظارتى بناسى مركز اتخاذايدملك اوزره املاك مليه اداره سندن استيجار و محكمه لره اقلام و تفرعاتى اوراده تأسيس قلمشدر . بوكونه قدر آلتى مختلط حكم محكمه سى تشكيل ايدلمشدر . بونلرى تاريخ تشكلى ايله برلكده بروجه آتى قيد و تعداد ايدبورم :

- | | |
|--------------------------------------|---------------------|
| ۱ — تورك — فرانسز مختلط حكم محكمه سى | [۱ كانون اول ۹۲۵] |
| ۲ — تورك — انگليز » » » | [۱۹ نيسان ۹۲۶] |
| ۳ — تورك — ايتاليان » » » | [۱۹ نيسان ۹۲۶] |
| ۴ — تورك — رومنه » » » | [۲۷ نيسان ۹۲۶] |
| ۵ — تورك — يونان » » » | [۱۲ مائس ۹۲۶] |
| ۶ — تورك — بلچيقا » » » | [۱۵ تموز ۹۲۶] |

بو محكمه لرك بيطرف رئيسلرى موسيو آسهر [۱] ، هامريخ ايله بارون نوردونسكيولدر . تورك اعضا ايسه عثمان ، پروفيسور جميل ، ممدوح و محمد على بك افنديلدر . فرانسز حكملرى موسيو موريس غوندولف ايله موسيو سهروپوسدر [۲] . انگليز ، ايتاليان ، رومنه ، يونان ، بلچيقا حكملرينك اسمارنجى صره سيله يازيبورم : ميستر غريمستون ، مه ترووچينو ، جنرال قونسولوس موسيو بونه سقو ، موسيو كير ياقوبولو ، بارون روله ن دالبريق . كرك لوزان معاهده نامه سنده و كرك عهد سائرده [۳] مختلط حكم محكمه لرينك اكثريته اعطاي قرار ايدجكلرى مصرح اولميسنه و محكمه لر يازديغمز وجهله برى بيطرف رئيس ايكيلى اسكى مخاصم دولترجه منتخب اعضا اولق اوزره اوج ذاتدن مركب بولميسنه نظراً اتخاذاقرار ايچون ايكي رايك تلاحقى كافيدر . ديكر طرفدن يكديكريته ضد رايلىك ، على الاكثر ، بلكه هر زمان اسكيدن دشمن ايكي دولته منسوب حكملردن صادر اوله جنى شبهه كوتورميه جك بر حقيقتدر . شو حالده محكمه ده ، نتيجه قطعيه ني تعين ايدجك اك نافذ و قدرتلى راي ، فعلاً ، بيطرف رئيسك رايي ديمكدر . رئيس ، همان همان حكم على الحكم وضعيتنده در .

- [۱] معروف حقوق خصوصيه دول متخصص بوبوك آسهر ك نغدوميدر . آمستردام ده و كالنه متوغل و فرانسز — آلمان مختلط حكم محكمه سنك در دنجي شعبه سنك رئيس حاضريدر .
- [۲] لوزان عهدنامه سنك احكام اقتصاديه سنك امر تنظيمنده فرانسز مرخصى صفتيله مسبق الحدمه بر ماليه متخصصدر .
- [۳] لوزان : [۹۴] ، وهرساي [۳۰۴ . آ .] ، سهن ژهرمه ن [۲۵۶ . آ .] ، تريانون [۲۳۹ . آ .] ، نويي [۱۷۸ . آ .] .

محکمه لک مهم بر جزو متممی ده آزانلق هیئت لیدر . لوزان عهدنامه سنک ۹۳ نجی ماده سی حکمنجه ، علاقهدار هر حکومت محکمه زردینه کندیسنی تمثیل ایتمک اوزره بر ویا متعدد آزان تعیین ایتمکله مکلفدر . آزانلرک صفت و خدمتی بحسب الماهیه همان همان محاکم ملیه زردنده کی مقام ادعا وظیفه سنک عینیدر . معافییه آزانلره مودوع وظائف یالکز اقامه ایدیلن دعوالرک مسوعیت ویا عدم مسوعیتی حقنده ، حکومتلری ناعنه بیان مطالعیه انحصار ایتمز . طوغریدن طوغری به حکومت علیهنده کی دعوالرده خصوصت ، بلا واسطه ، آزانلره متوجه اولدینی کبی غائب ویا محتاج تبعه نکه ده وکیل مسخر صفتیه حقوقی محافظه وظیفه سی بونلره مترتبدر . بوندن باشقه آزانلره ، هر حکومتک کندی نظامات داخلیه سیله [۴] حدود و شمولی معین بر طاقم اداری حق و وظیفه لر تودیع ایدلشدیر . بوکا علاوه محکمه لردن صادر اولان مقررانک مملکتی داخلنده تنفیذینی تأمین و بوکا دلالت ایتمک خصوصی ده آزانلرک وظیفه لری جمله سندندر . حتی محکمه لک اصدار ایتدکری اعلامنده احکام لاحقه نکه بر موجب عهد مملکتلری داخلنده تأمین تنفیذینی نهائی برقرره مخصوصه ایله ، علاقهدار آزانلردن طلب ایتملری صک ایجاباتندندر . حکملر ، حائر اولدقلری حق قضا اعتباریه تماماً بیطرف و کندیلرینی تعیین ایدن حکومتک ایضای وظیفه حاکمیت خصوصنده امر و رأینه غیر تابع بولندقلری حالده آزانلر ، بالعکس ، کندیلرینه وظیفه تمثیلی ویرن حکومتک امر و تعلیماتی دائره سنده حرکت و خاصه منافع ملیه یی مدافعه به مجبوردرلر .

تورک و اجنبی آزانلق هیئتلری کزیده و قدرتلی عناصری حاویدر . آزانلر من ناظم ، کمال عاطف و وصفی راشد بک افندیلرک قیمتلی مساعی و مسلم لیاقتلردن اعظمی استفاده ایتمکده یز . سوب آزان صفتیه عمومی آزانلقده چالیشان مصطفی ناشد ، جواد ، نورالدین و نظمی بکدر کی کنج حقو قچیلر مزکده نازک وظیفه لرنده کی دقت و اهتماملری جداً موجب

[۴] حکومت مزجه مایس ۹۲۶ تاریخنده تورک آزانلرینک وظیفه و صلاحیتلری حقنده تصدیق عالی به مقرن بر تعلیماتنامه نشر ایدلشدیر . بوکا نظراً آزانلر بر (عمومی آزان) ک تحت مراقبه سنده بر هیئت متحده تشکیل ایدرلر . حکومت جمهوریه مزی تمثیل وظیفه سی عمومی آزانه عائد و محاسبه و ذات ایشلری اوکا مودوعدر . آزانلر هیئت وکیله قرابله نصب و عزل ایدیلرلر . هر آزان کندیسنه مودوع دعاوینک امر و تمقیبنده عمومی ازانک حق مراقبه سنه خلل کله مک اوزره سربست و مستلدر . آنجق صلاحیت مسائلنده و عهدنامه نکه نفسیر احکامنه متعلق مواده عمومی آزانک رأی موافقتی استحصال مجبوریدر . محکمه لک دوائر دولت و خلق ایله تماس و مخابره سنه عمومی آزان توسط ایدر .

شکراندر . اجنبی آژانلر ایچنده فرانسز عمومی آژانی موسیو پیرژودون [۱] ایله بلجیقا عمومی آژانی بروکسل محکمه استینافی برنجی مدعی عمومیی موسیو سارتینی کی سنه لرجه شوبین الملل مؤسسه قضائیه نك ساحه فعالیتده منسوب اولدقلاری حکومتلری کمال موفقیتله تمثیل ایتش غرب حقوقیباری وارددر . مختلط حکم محکمه لرینک تشکیلاتی حقنده کی تدقیقاتمه خاتمه ویرمک ایچون قلم دائره لوندنده بحث ایتک ایجاب ایدر .

لوزان عهدنامه سنک ۹۶ نجی ماده سی موجبجه هر قلم دائره سی بیطرف برکاتب عمومینک تحت ریاستده علاقه دار دولتلرک تعیین ایده جککری برر ویا متعددعه دی کاتبلردن تشکل ایدر . مع هذا ، جنبری طاشده منعقد مختلط حکم محکمه لرنده ، اقتصاد و تصرف مطالعه سیله ، یالکز تورک - یونان محکمه سی قلم دائره سنده برکاتب عمومی مستخدمدر . دیگر قلملر شمیدلک یالکز ملی کاتبلرک اداره مشترک سی آلتنده بولنیور [۲] محکمه لرک اصول محاکمه سنه کمنجه :

کرک لوزان عهدنامه سی و کرک عهد سائره بومحکمه لرک اصول محاکمه لرینی نص عهددن وعدل ونصفت وحسن نیت اساسندن ملهم اوله رق تنظیم صلاحیتی کندیلرینه وبربور [۳] عهدنامه لرک بونایده کی نصوصی ایسه پک مجمل ووکیل قبولی ، سربستی مدافعه نك تأمین مسموعیت دعوی مدت لرینک تعیین کی محدود خصوصاته منحصردر . باخصوص لوزان عهدنامه سی ، لسان محاکمه نك تعیینی کیفیتنی بیله محکمه لرک تنسیب وتقديرینه براقه حق قدر التزام امساک ایتمشدر .

بنابراین محکمه لر ، عهدنامه دن مقتبس صلاحیته ابتناء کندی اصول محاکمه نظامنامه لرینی ترتیب وعلاقه دار حکومتلرک رسمی جریده لرنده اصولاً نشر ایتمشلردر [۴] .

[۱] موسیو پیرژودون حرب عمومیده فرانسز عدلیه نظارتی سکوه سترو شعبه سی مدیری بولنیوردی . ایوم رفاقتنده آژان بولان اموال ومنافع خصوصیه دائره سی مدیری موسیو آلان ایله برلکده ورسای عهدنامه سنک حقوق ، اموال ومنافع فصلی احکامنی و مختلط حکم محکمه لری دنیان عضویت جدیدیه درپیش والهام ایدلردن بریدر .

[۲] تورک - یونان مختلط حکم محکمه سی کاتب عمومیی اسویچره لی حقوق دو قنودی موسیو سه قردان اخیراً استعفا ایتمشدر بو خدمتده الآن منحلدر .

[۳] لوزان [۹۵] ، وه رسای [۳۰۴] ماده ذیلی [، سن ژرمه ن [۲۵۶] ماده ذیلی [، تریپانون [۲۳۹] ماده ذیلی [، نوجی [۱۸۸] ماده ذیلی [.

[۴] تورک - فرانسز اصول محاکمه سی ۱ کانون اول ۹۲۵ ، تورک - انگلیز اصول محاکمه سی ۱۸ مایس ۹۲۶ ، تورک - ایتالیا اصول محاکمه سی ۲۱ مایس ۹۲۶ ، تورک - رومین اصول محاکمه سی ۱۶ شباط ۹۲۶ ، تورک - یونان اصول محاکمه سی ۴ مارت ۹۲۶ ، تورک - بلجیقا اصول محاکمه سی ۱۹ تموز ۹۲۶ تاریخلرنده رسمی جریده منزه نشر واکال ایدلشددر .

جنبرلی طاشده کی آلتی مختلط حکم محکمه سی ایکبشر ایکبشر برر بیطرف رئیسک ریاستی آلتندہ بولندیندن رئیساری مشترک بولنان محکمه لک [۵] اصول محاکمہ نظامنامہ لری دہ بربرینک عینیدر . تخالف یالکز تورکیہ دن باشقہ علاقہ دار حکومت اسمملرینک تبدلنہ انحصار ایدر کیدر . مع هذا بوتون نظامنامہ لره حاکم اولان اساسات تماماً بردر . شو اساساری ، بروجہ آتی تلخیص ایدہ بیلیرز :

لسان محاکمہ فرانسزجہ در . مع هذا اثنای مرافعہ دہ تورکجہ ویا دیگر علاقہ دار ملت لسانیلہ مدافعات اجرایی جائزدر . [۶] اصل اولان تحریری اصول محاکمہ در . بوعتبار ایله مختلط حکم محکمه لری من جهة محکمه تمیز ویا شورای دولت اصول محاکمہ ارائہ مشابہت ایدر . مرافعہ علنیہ ، آنجق طرفیندن ویا آزانلردن برینک طلبنہ ویا خود محکمه نک حس ایدہ جکی لزوم و ضرورتہ مستنداً استثنائی اولہرق یاپیلیر . فقط حکملر ہمہ حال علنی جلسہ دہ تفہیم ایدلمک لازمدر .

دعوی ؛ پولسز و فرانسزجہ محرر بر لایحہ نک محکمه قلمنہ تودیعیلہ اقامہ ایدیلیر . دعوی لایحہ سنہ ، مدعی علیہ عددنجه صورت ربط ایدلمک لازم کلدیکی کبی اوچی محکمه یی تشکیل ایدن حاکملره وایکیسی طرفین آزانلرینہ عائد اولق اوزره آیرنجہ بش صورتک ربطی مقتضیدر . صورت ربطی مجبوری لایحہ لره تردیف ایدیلہ جک واثاقہ دہ شاملدر . بو لایحہ طرفینک اسم ، مخلص ، صنعت محل اقامتی و تورک - یونان ، تورک - رومہن محکمه لری ایچون محکمه مرکزندہ تعیین ایدیلہ جک اقامتکاه منتخبی ، دعوایی استلزام ایدن احوال مادیه ایله استناد ایدیلہ جک دلائل عہدیہ و حقوقیہ یی ناطق برر اجمالی و نہایت نتیجہ مطالبی احتوائتک ایجاب ایدر .

[۵] تورک - فرانسز ، تورک - بلجیقا محکمه لری موسیو آسہرک ، تورک - ایتالیان ، تورک - انگلکز محکمه لری موسیو هامرینک ، تورک - رومہن ، تورک - یونان محکمه لری موسیو نوروہ نسکیولڈک ریاستی آلتندہ درلر .

[۶] لوزان عہدنامہ سندن ماعدا دیگر عہدنامہ لردہ لسان محاکمہ منصوردر . محکمه لردہ قوللانیلہ جق لسان ، دول اثتلافیہ نک تنسیب و ترجیعنہ کورہ ، انگلکزجہ ، فرانسزجہ ، ایتالیانجہ ، ژاپونجہ دن بریدر . لوزان عہدنامہ سبلہ دیگر معاہدہ نامہ لره حاکم اولان تماماً آبری روح بونقطہ دہ دخی واضحاً تجلی ایدر .

لایحه محکمه قلمی واسطه سیله و تمهدلی مکتوب ایله طرف خصمه تبلیغ ایدیلیر [۱]. مدعی علیهک آلتش کون ظرفنده مدافعاتی و دعوانک جهات مادیه و حقوقیه سنک تحلیاتی حاوی بر لایحه جوابیه ویرمهک حقی واردر . بو لایحه جوابیه تاریخ تبلیغن اعتباراً اوتوز کون ایچنده مدعی بر جواب علی الجواب و مدعی علیه ده ینه اوتوز کون ظرفنده بر مقابل جواب لایحه سی ویره بیلیر .

مختلط حکم محکمه لری حضورنده دعوی متقابله اقامه ایدیله مز . فقط علاقه دارلر بر شخص آخری داخل دعوی ایده بیله جککری کبی بر شخص ثالث ده دعویه کندیسنک ادخالنی ایسته یه بیلیر .

محکمه لر ، طرفینک محافظه حقوقی ایچون لازم و موافق کوردیکی تقدیرده هر درلو تدابیر موقته ویا تحفظیه نی امر ایده بیلیر [۲] . بو تدابیرک محاکمه کافه صفحاتنده و حتی اقامه دعوان اول طلب و اتخاذه جازدر . محکمه بویه بر تدبیر قطعی نی امر ایچون اول باول علاقه داردن مناسب تأمینات ویا نقدی کفالت ایسته یه بیلیر . بو قبیل تدابیر تحفظیه حقنده کی امر وقرار احکام اصلیه و قطعیه کبی لازم الاجرادر .

محکمه حضورنده هر درلو اسباب ثبوتیه مقبولدر . مرافعات علنیدر . جلسیه نی رئیس اداره ایدر . انضباط محکمه اوکا عائددر . صوک سوز مدعی علیه و اونک منسوب اولدینی حکومت آژانه ویریلیر . آژانلر تحریری ویا شفاهی بوتون محاکمه صفحاتنده حق مداخله نی حائزدرلر . هر زمان عدم صلاحیت اعتراضی درمیان ایده بیلیرلر . طرفین محکمه نک عدم صلاحیتنه عائد اعتراضاتی، اساس دعویه متعلق مدافعاتی درمیان ایتمه دن اول اتیان ایتمیدرلر .

اشخاص خصوصیه اصول محاکمه نظامنامه لرنده تعداد و تصریح ایدیلن ذوات میانندن کندیلرینه وکیل مدافع انتخاب ایده بیلیرلر . تورک - انگلیز ، تورک - ایتالیان محکمه لرینه

[۱] تورک - فرانسز و تورک - بلجیقا اصول محاکمه نظامنامه لرینه [ماده : ۱۱] کوره تورکیه داخلنده هر درلو تبلیغات همه حال تورک اصول محاکمه حقوقیه قانوننه توفیقاً تورک عمومی آژانلری دلائله و مباشر معرفتیه اجرا قلمور . تورک - انگلیز و تورک - ایتالیان محکمه لرنده ده صوک کونلرده عینی اصوله رعایت ایدلمکده در .

[۲] فرانسز - آلمان مختلط حکم محکمه سی [شعبه : ۴] برلینده بولنان رسامه تر تابلورلی و بر آلمان معدن کوموری مؤسسانه عائد اموالی وازان جله ایشلمه حاصلاتی جز ایتدیک کبی آلمان - بلجیقا مختلط حکم محکمه سی ده پاناقلی واغونلر قومپانیه سنک المانیاده کی لوازمک و فرانسز - بولغار محکمه سی صوفیه تراواپلری حاصلاتک بر قسمک تجزی نی امر ایلشدر .

مراجعت ایچون بویله بروکیل اراهنسی مجبوریدر . مختلط حکم محکمه لرنده وکالة مآذون اولانلر طرفین بارولرینه مقید آوو قاترله طرفین حقوق فاکولته لری پروفیسورلری ، حقوق بین الملل انستیتوسی اعضا و مشارکلرندن عبارتدر .

تحریری محاکمه صفحه سنده جواب ویرمه مک ویا مرافعه علیه دعوتنه اجابت ایلمه مک مانع حکم دکلدر . غائب متمرک منسوب اولدینی آزان حضورنده رؤیت واکال دعوی اولتور .

اصول محاکمه نظامنامه لرینه [۱] ولوزان عهدنامه سنک ۷۸ و ۹۵ نجی ماده لری احکامنه نظراً استرداد اموال مطالبی خارجنده کی مدعیانک محکمه لک تشکلی تاریخندن اعتباراً آلتی آی ظرفنده اقامه و درمیان ایدلمش اولمی ایجاب ایدر . تورک - فرانسه ، تورک - بلجیکا ، محکمه لری اصول محاکمه نظامنامه لرینک ۱۸ نجی و تورک - رومنه و تورک - یونان اصول محاکمه نظامنامه لرینک ۳۶ نجی ماده لرینک ۸ نجی فقره لرنده ولوزان معاهده نامه سنک ۶۵ و ۶۶ و ۶۹ نجی ماده لرینه مستند مطالب ایچون محکمه لک تاریخ تشکندن بالحساب طقوز آی ظرفنده ویرله جک لایحه لک قبول ایدیله جکی مصر حددر . تورک - انگلیز ، تورک - ایتالیان محکمه لری اصول محاکمه نظامنامه لرینک ۱۷ نجی ماده سنده ایسه بو قیل مطالبک عهداً معین مدت لر ظرفنده ابلاغی لزومی کوسترلمکله اکتفا ایدلمشدر . ولوزان عهدنامه سنک ۷۰ نجی ماده سنده کوره مطالب مجوئه نک مسوعیتی عهدنامه نک موقع مرعیته وضعی تاریخندن اعتباراً اون ایکی آی ظرفنده مختلط حکم محکمه سنده درمیان ایدلمش اولمی مشروط اولوب عهدنامه ایسه بزم ایچون ۶ اغستوس ۹۲۴ تاریخنده موقع مرعیته وضع ایدلمش اولسنه نظراً بو محکمه لر ایچون ، نظامنامه لری موجبنجه دخی ، مدت مراجعت منقضی اولمش دیمکدر . معین مدت ظرفنده اقامه ایدلمین دعوالر رد ایدیلیر . آنجق ، عهدنامه نک ۹۶ نجی ماده سنک ۳ نومرولی فقره سنده کوسترلدیکی وجهله بو تأخر بعد مسافه وسائره کی تحقق ایدله جک اسباب مجبره دن متولد ایسه محکمه جه اتخاذ قلعه حق بر قرار مخصوص ایله استثناء کچ قالمش لایحه لرده قبول اولنه بیلیر [۲] .

[۱] تورک - فرانسه ، تورک - بلجیکا اصول محاکمه نظامنامه لرینک ۱۸ و تورک - یونان ، تورک - رومنه محکمه لرینک ۳۶ و تورک - ایتالیان ، تورک - انگلیز محکمه لرینک ۱۷ نجی ماده لرینه باقیکن . [۲] عینی معاهده حکمنی تطبیقاً متشکل محکمه لک مسوعیت دعوی کی بر مسئله اساسیه ده بویله یکدیگریله ناقابل تألیف احکام متضاده وضع ایتش اوللری جای تأملدر . مع هذا ولوزان عهد نامه سنک ۷۰ نجی ماده سنک صراحتی مواجهه سنده طقوز آباق مدته متعلق حکم نظاممینک اصابتندن بحق شبهه ایدیلیر .

مختلط حکم محکمه‌لری مقررآتک هیچ بر مرجع استیناف و تمیزی یوقدر . یالکز
 انشای محاکمه‌ده طرفینه و محکمه‌لره مجهول قائلش اساس مسئلهیه مؤثر بر حال جدید
 ظهورنده اعاده محاکمه طلب ایدیه‌بیلیر . حکمک تبلیغندن اعتباراً ایکی‌سنه ایچنده درمیان
 ایدلین اعاده محاکمه طلبلری قبول ایدلر . تورک - رومن و تورک - یونان مختلط حکم
 محکمه‌لری اصول محاکمه نظامنامه‌لری موجب‌نجه بو طلبک حکمک تبلیغندن ویا حکمه
 مؤثرحال جدیده اطلاع تاریخنندن اعتباراً آلتش کون طرفنده درمیان ایدلسی مشروطدر .
 اعاده محاکمه طلبی قبول ایدیلنجه اصول محاکمه‌سی محکمه‌جه تثبیت اولور . محاکمه
 مصارفه مدار اولق اوزره مدعی ویا مداخل دعوانک بر خرج ابتدائی تودیع ایتسی
 مقتضیدر . بو خرج مقداری ایچون تورک - فرانسز ، تورک - بلجیقا محکمه‌لری
 نظامنامه‌سنده هیچ بر حد اعظمی منصوص یوقدر . تورک - یونان ، تورک - رومن محکمه‌لرنده
 خرجک حد اعظمیسی یکرمی بش ، تورک - انگلیز ، تورک - ایتالیان محکمه‌لرنده ایکی
 یوز الی تورک لیراسیدر . خرج تودیع ایدلدکجه هیچ بر معامله اصولیه‌یه توسل
 ایدیه‌مز .

مختلط حکم محکمه‌لرینک اصول محاکمه‌لرینه متفرع نقاط اصلیه خصوصات سالفه‌دن
 عبارت کیدر . شوراسی‌ده مختلط حکم محکمه‌لرینه عائد مهم بر خصوصیت اوله‌رق ،
 سایان قیددرکه: اصول محاکمه نظامنامه‌لری محاکم مبحوثه‌نی صورت مطئنه‌ده تقیید ایتز
 مثلاً تورک - فرانسز اصول محاکمه نظامنامه‌سک ۷۲نجی ماده‌سی اشبو نظامنامه ایله
 معین قواعد اصولیه‌نک حرفیاً تطبیقی ایجابات نصفته مغایر بر نتیجه‌نی استلزام ایده‌جکی
 آکلاشیلان کافه احواله قواعد مبحوثه‌دن انحراف ایدیه‌بیله‌جکی ناطقدر . بو استثنائی
 مؤسسه قضائیه‌نک حدود صلاحیتی مسئله‌سی باشلی‌باشنه نازک و معضل بر موضوع تدقیق
 تشکیل ایتدیکندن بونی دیگر بر مقاله‌یه براقیورز .

مختلط حکم محکمه‌لری نزدنده

تورکبه عمومی ازان

امین عالی